

Austrem

gnr. 149



Av Knut Raastad, februar 2024



Austrem nordistugu ca. 1930.. Foto Hans Joramo, Vågå historielags fotoarkiv.

Austrem nordistugu

Gnr. 149 bnr. 1, gml.nr.84, løpeno. 151

Anders Arneson Austrem f.ca.1560-70 var brukar av Austrem i 1611 og eigde 4 huder i Austrem i 1615. Anders var truleg gift med Ragnhild som i 1624 stod som brukar av 4 huder. Ragnhild Austrem lånte i 1628 ut sølv til kongen mot pant i Sørem, dette vart innløyst i 1633 av sonen Johannes på Sørem. I eit omfattande arveskifte og odelsbytte i 1632 skulle Amund Andersen Austrem og syskjena hans samt Svend Harildstad ha 4 huder i Austrem samt ein del andre eigedommar. 4 huder av Austrem tilsvarar det som i 1666 var 1 hud og 5 skinn i kvar Austremsgard samt 1 hud 2 skinn i Svendstad og som vart delt til brørne Amund, Endre og Ola Andersssønner. Iflg. Engebret Hougen var også Hans Stade sonen deira, dermed hadde Anders og Ragnhild 4 sønner:

- Amund, til Austrem s
- Endre, neste brukar
- Ola, til Svendstad
- Hans, til Stade n.

I 1645 var det to brukarar på Austrem, så da var garden delt. Den eine brukaren var Endre som ser ut til å ha vore i nordistugu. Endre Andersen Austrem f.ca.1615 d.ca.1671 var gift med Barbro Jakobsdotter Sørem d.ca.1679, dei hadde 5 barn:

- Anders f.ca.1641 d.før 1671, stod som brukar i 1668
- Jakob f.ca.1645, neste brukar
- Svend f.ca.1649 d.1691, g.m. Kari Amundsdr., til Klones
- Siver f.ca.1650
- Rønne g.m. Knut Olsen Holbø s f.ca.1633

Jakob Endresen Austrem f.ca.1645 overtok nordistugu Austrem etter skifte i 1679. Jakob stod som brukar i 1711. Han var gift med Randi Knutsdotter sygard Råstad dotter til Knut Jonsen og Aase Jakobsdr. Kvarberg Råstad, Jakob og Randi hadde 5 barn:

- Endre, neste brukar
- Knut f.ca.1672
- Anders f.ca.1675, g.m. Thore Larsdr. Øy, på Øverøy
- Barbro f.før.1685 d.1740, g.m. Tjøstel Kleppe Valbjør Holbø n f.ca.1666 d.1724
- Aase f.ca.1680, g.m. Gulbrand Syversen Bjørnstad f.ca.1670 f.1739, på Snerle m.

Det var skifte etter Jakob og Randi i 1712, og Endre Jakobsen fekk skjøte frå syskjena i 1720. Endre Jacobsen Austrem var gift med Kari Jonsdotter, dei hadde 6 barn:

- Jacob, neste brukar
- Marit f.ca.1717, g.m. Paul Sjugurdson Bolstad
- Randi f.ca.1720, g.m. Knut Stade n.
- Barbro f.ca.1723, g.m. Erland Erlandsen
- Kari f.ca.1729

Aase f.ca.1732

Det var skifte etter Endre og Kari i 1750. Jacob Endresen f.ca.1721 d.1784 vart 1748 gift med Synne Olsdotter Steine, Heidal f.ca.1722 d.1756, dotter til Ole Olsen Steine og Marit Nilsdtr. Jakob og Synne hadde 3 barn:

Kari f.ca.1748

Endre 1751-1822, g.m. Marit Andersdtr. f.ca.1752 d.1822, husmann Østremseie

Synne f.1756

Jacob Endresen vart 1757 gift på nytt med Marit Sevaldsdotter f.ca.1730 d.1801, dei hadde 2 barn:

Ingeborg f.1762

Jon f.1773

I 1772 var det skjøte på halvparten av nordstugu Austrem 8 ½ skinn frå Jacob Endresen Austrem til ungkar Johannes Iversen Blessum. Men dette har truleg vore omgjordt, for i 1776 selde Jacob heile garden 1 hud 5 skinn til Ole Olsen Teige frå Kvam for 1100 rd. Jacob Endresen og kona skulle som føderåd bl.a. ha plassen Løken å bu på.

Ole Olsen 1726-1801 frå Leine eller Teige var son til Ole Pedersen Leine. Ole Olsen var gift med Lisbeth Nilsdotter Bjørge 1736-1813, dei hadde 6 barn:

Ole f.ca.1758, neste brukar

Nils f.ca.1760

Peder 1768-1934, g.m. Marit Pedersdtr. Holbø n 1751-1835. Til Veggum s. i 1797. Målar.

Iver f.ca.1773, g.m. Gunhild Jonsdtr. Øy Rottem f.ca.1767. Til Veggum og Kjølstad

Østen f.ca.1778

Anne, g.m. Jon Eriksen f.1750. Sandbu.

I 1787 var det skjøte på Austrem 1 hud 5 skinn frå Ole Olsen til Ole Olsen for 799 rd. Ole Olsen f.ca.1758 d.1808 frå Teige/Leine, Kvam vart 1792 gift med Kari Jacobsdotter Soljem f.ca.1873 d.1837. Dei hadde 5 barn:

Ole f.ca.1791, neste brukar

Anne f.1796, g.m. Ener Andersen Bråten 1797-1868

Jacob f.ca.1798, g.m. Ragnhild Trondsdtr. Søre Veggum

Iver f.ca.1802

Peder f.ca.1805

I 1809 var det skifte etter Ole Olsen med hjemmel til sonen Ole Olsen på Austrem 1 hud 5 skinn for 1200 rd. Ole Olsen Austrem 1792-1878 vart 1814 gift med Marit Eriksdotter Helle 1794-1858 dotter til Erik Hansen Helle 1761-1841 og Marit Knutsdtr Siem (Huden) 1766-1808. Ole og Marit hadde 9 barn:

Kari 1815-1862, g.m. Syver Arnesen Klones f.1817. På Austrem i 1865-1875, dei hadde barna Arne f.1851, Ole f.1856

Marit f.1817

Ingeborg f.1820

Anne f.1823
Ole 1825-1888, neste brukar
Gunild f.1829
Ragnild f.1832, g.m. Syver Olsen Klones f.1829, til midtre Stokstad
Hans f.1835, g.m. Kari Iversdtr. Stokstad f.ca.1832
Mari f.1838

I 1847 var det skjøte frå Ole Olsen d.e. til Ole Olsen d.y. for 900 spd. Ole Olsen 1825-1888 vart 1850 gift med Anne Poulsdotter Storvik 1827-1916 dotter til Poul Olsen Gardsøy Storvik 1799-1842 og Anne Christensdtr. Ellingsbø 1801-1866. Ole og Anne hadde 4 barn:

Marit f.1850
Ole f.1852, g.1884.m. Mari Jonsdtr. Strand f.1859
Anne f.1856
Kari f.1862

I 1889 var det auksjonsskjøte frå Ole O Østrem's konkursbu til Paul Andvord på nordistugu Austrem og Brandvol for kr 8370. Paul Larsen Andvord 1830-1905 var gift med Kari Olsdotter nigard Galde 1837-1928, dei hadde 5 barn:

Lars f.1859, til Amerika 1884
Ole f.1861, neste brukar
Mari f.1864,
Marie 1867-1919, g.m. Otto Fjøsne 1873-1924, systugu Austrem
Else 1874-1942, g.m. Ola Flatmo 1883-1966, på Lye

Skjøte 1921 frå Paul Andvors enkje Kari Andvord til enkje Anna Andvord på denne eigedom og bnr. 2 for kr 14000. Ole Paulsen Andvord 1861-1918 vart 1902 gift med Anna Olsdotter Ekre, Heidal f.1876, dei hadde 7 barn:

Paul 1903-1981, neste brukar
Kari 1905-1990, g.m. Semon Aasgaard 1900-1987
Trygve f.1907, g.m. Mary, til Brandbu
Ole f.1910, g.m. Hjørdis Altenborn, til Larvik
Lars, g.m. Gudrun Fjell, til Oslo
Maria f.1916, g.m. Sigurd Stokstad 1904-1986
Ottar f.1918

Paul Andvord fekk i 1934 auksjonsskjøte på d.e., bnr. 2 og 154-5 for kr 19500. Paul Andvord var gift med Ragnhild Haugen.

Ivar Aasgaard f.1932 overtok i 1978 etter onkelen. Ivar var gift med Anne Sønsterud, Fåberg f.1939 dotter til Kristian Sønsterud f.1914 og Kari Ellinghaugen, Gausdal f.1915. Ivar og Anne hadde 3 barn:

Kari f.1969
Semon f.1971, neste brukar
Ragnhild f.1975

Semon overtok etter faren, han er gift med Hildegard Byre.

Kjelder:

Pål Øystein Kvarberg, 2000: Slechter i Vågå og Lom

Digitalarkivet: panteregister

Norske gardsbruk 1953-1997

Opplandsarkivet Vågå: familieark, avskrifter pantebøker mm.

Lars Brustuen: Brustuguslekta

Engebret Hougen, Norsk slektshistorisk tidsskrift 1951: Av hauldeætt, Bondearistokrati i G-d.

Austrem systugu

Gnr. 149 bnr. 3, gml.no. 84, løpeno. 153

Jonh Østrenn vart nemnd i 1560.

Anders og Arne brukte Kleppe saman og dei fekk også tak i Rottem og Austrem. Anders hadde sonen Jo, Arne hadde sonen Anders.

Jo overtok Kleppe med Hekkje og Dalom, Anders fekk bl.a. Rottem og Austrem samt Berge i Gausdal der han busette seg.

Anders Arneson Austrem f.ca.1560-70 var brukar av Austrem i 1611 og eigde 4 huder i Austrem i 1615. Anders var truleg gift med Ragnhild, men dette kan vera andre ekteskapet hans. Ragnhild stod i 1624 som brukar av 4 huder. Ragnhild Austrem lånte i 1628 ut sølv til kongen mot pant i Sørem, dette vart innløyst i 1633 av sonen Johannes på Sørem. I eit omfattande arveskifte og odelsbytte i 1632 skulle Amund Andersen Austrem og syskjena hans samt Svend Harildstad ha 4 huder i Austrem samt ein del andre eigeidommar. 4 huder av Austrem tilsvarar det som i 1666 var 1 hud og 5 skinn i kvar Austremsgard samt 1 hud 2 skinn i Svendstad og som vart delt til brørne Amund, Endre og Ola Anderssonner. Iflg. Engebret Hougen var også Hans Stade sonen deira, dermed hadde Anders 4 sønner:

Amund (frå fyrste ekteskapet?), neste brukar

Endre, til Austrem n.

Ola, til Svendstad

Hans, til Stade n.

I 1645 var det to brukarar på Austrem, så da var garden delt. Den eine brukaren var Amund som ser ut til å ha vore i systugu. Amund Andersen f.ca.1600 d.ca.1671 var gift med Sigrid Jakobsdotter d.ca.1678, dei hadde 6 barn:

Anders f.ca.1645 d.ca.1691, neste brukar

Rønne

Barbro

Imbjør

Ragnhild d. etter 1711, g.m. Ole Amundsen Viste u. f.ca.1643 d.1692

Tora

Anders Amundsen Austrem f.ca.1645 d.ca.1691 var gift med Tore Eriksdotter Helle, dotter til Eirik Jonsen Helle og Gunhild Rolvsdtr. Blakar. Anders og Tore hadde 3 barn:

Amund f.ca.1679 d.ca.1738, neste brukar

Erik, over 60 år i 1753

Oluf d.1753, ugift

Torre Ericksdotter vart gift på nytt med Peder Andersen, og i 1711 vart han nemnd som brukar. Peder Andersen var truleg frå nordgard Holbø.

Amund Andersen Austrem d.ca.1738 overtok etter mora og stefaren i 1715. Amund fekk i 1727 skjøte frå brør og svogerar mm. slik at han saman med eigen arv og kjøp frå kongen vart eigar av heile systugu Austrem 1 hud 5 skinn. Amund var gift med Kari Olsdotter Sørem d.ca.1745 dotter til Ole Jonsen Sørem og Kari Amundsdr. nigard s-r-Sandbu. Amund og Kari hadde 6 barn:

Gunild ca.f.1712

Kari f.ca.1714 d.1774, ugift

Anders f.ca.1716 d.1754, neste brukar

Ole f.ca.1719, g.m. Kari Gulbrandsdotter m. Snerle f.1723, til nordgard Snerle

Rønnoug f.ca.1719 d.før.1774, g.m. Tore Kojen, Sel

Ole f.ca.1722 d.før 1745, ugift, på nordgard Snerle

Anders Amundsen f.ca.1716 d.1754 vart 1746 gift med Kari Christensdotter Aasaaren f.ca.1712 d.1789 dotter til Christen Eliasson Åsåren og Ragnhild Engebretsdtr. Anders og Kari hadde 2 barn:

Amund 1746-1808, neste brukar

Kari f.1749

I 1778 var det skjøte på Austrem 1 hud 5 skinn frå Kari Christensdotter til sonen Amund Andersen for 397 rd. Amund var ugift og døydde i 1808.

Systema Kari Andersdotter f.1749 var gift med Pål Hansen Holbø f.1752 son til Hans Pålsen Tofte 1725-1774. Kari og Pål hadde 3 barn:

Kari f.1779, g.m. Tord Gudbrandsen Snerle d.1831

Mari 1784-1857, neste brukar

Guri f.1787, g.m. Arne Syversen Klones d.1849

I 1809 var det skjøte på Austrem 1 hud 5 skinn frå Kari Andersdotter og døtrene Kari og Guri til Marie Paulsdotter for 1450 rd. Mari Pålsdotter Holbø 1784-1857 var gift med Johannes Andersen Sunde 1782-1820 son til Anders Johannessen Sunde 1758-1828 og Aase d.y. Olsdr. Raastad s 1751-1815. Mari og Johannes hadde 3 barn:

Anders Sunde 1812-1866, g.m. Ragnhild Pedersdr. Horgen 1803-1903

Kari 1814-1836, g.m. Iver Olsen Viste 1813-1854

Amund Austrem 1818-1856, neste brukar

Anders Johannesen fekk i 1818 forpaktingskontrakt på 10 år frå Johannes Andersen. Dette må bety at Johannes Andersen leigde bort Austrem til faren Anders Johannesen 1758-1828 som også hadde Sunde.

I 1840 var det skjøte på Austrem frå Mari Paulsdotter til sonen Amund Johannessen for 645 spd. Amund Johannessen Austrem 1818-1856 var gift med Mari Pålsdotter Valbjør 1821-1850 dotter til Pål Trondsen Valbjør 1789-1827 og Mari Tordsdr. Kleppe n. 1788-1839.

Amund og Mari hadde 1 barn:

Johannes Amundsen Sunde 1847-1917, neste eigar

Johannes Amundsen Sunde 1847-1917 overtok Austrem ved skifte etter faren i 1857.

Johannes vart 1865 gift med Guri Olsdr. Veggum n. 1841-1908 dotter til Ole Syversen Veggum n 1814-1888 og Rønnaug Hansdr. Raastad s 1818-1879. Johannes og Guri hadde 5 barn:

Mari 1867-1874

Rønnaug 1869-1968, g.m. Knut Olsen Hammer 1868-1952

Amund 1871-1959, g.m. Anne Knutsdr. Bersvendstuen 1895-1992

Mari 1874-1891

Ole 1885-1970, g.m. Mari Øisteinsdr. Bolstad f.1881

Hans Ottesen Fjøsne fekk i 1876 skjøte på systugu Austrem frå Johannes Amundsen for 4000 spd. Same året fekk han skjøte på Svendstad. Hans Scheldrup Ottesen Fjøsne, Luster f.1832 var son til Maren Susanna Eriksdr. Fjøsne 1800-1874 og Otte Olsen Fuhr 1785-1841. Hans Ottesen var gift med Mette Kirstine Kristoffersdotter Mørkrid, Luster 1843-1897 dotter til Kristoffer Andersen Mørkrid f.1806 og Gjertrud Sørensdtr. Bolstad. I 1875 var Hans og Kirstine forpaktarar av Ottum i Luster, før dette var dei på Hauge der Kirstine hadde vore gift. Kirstine vart fyrst gift i 1866 med Thomas Thorsen Hauge, Luster 1841-1867, dei hadde 1 barn:

Thomas f.1867, g.m. Kari Olsdr. f.1862. I 1891 budde dei på Sjørdalen skule

Hans og Kirstine hadde 7 barn:

Susanna f.1871, til Fåberg

Otto f.1873, neste brukar

Kristoffer 1874-1950, g.m. Lena H Lewison 1874-1965

Søren 1876-1954, g.m. Syverine Pedersdr. Rusten 1885-1981 i Bøverdalen

Marie f.1878-1939, g.m. Bredo O Lundgård 1876-1925

Melchior 1881-1922, g.m. Maria Rostad 1893-1949, på Svendstad

Ole 1883-1962, g.m. Minnie Alma Hanson 1888-1969

Hans hadde med Mari Hansdr. n. Valde f.1840 sonen:

Iver Aasgaard 1868-1853, g.m. Mari Hansdr. Steine 1867-1935

I 1898 fekk Otto Hansen Fjøsne hjemmelsdokument på systugu Austrem frå Hans Fjøsne og avdøde hustrus bu for kr 10000.

I 1910 budde på systugu Austrem Otto Austrem f.1873 i Luster, sjølveigar, gardbrukar og hotelvert. Otto var gift med Marie øvre Andvord, Lom 1867-1919 på nordstugu Austrem dotter til Paul Larsen Andvord 1830-1905 og Kari Olsdr. Galde nig. 1837-1928. Otto og Marie hadde 4 barn:

Kristine f.1902

Paul f.1904-1989, neste brukar

Kari f.1906

Signe f.1909

Otto hadde med Emma Johansdr. Bekkemellom 1 barn:

Marit f.1922

I 1934 var det auksjonsskjøte på Austrem til Paal Austrem for kr 22000. Pål Ottosen Austrem 1904-1989 vart 1940 gift med Inger Alvhilde Bjørklund, Elverum 1907-1995. Inger Bjørklund var fyrst gift med Elias Furulund, Hamar, dei hadde 2 barn:

Åse Ragnhild Furulund f.1934, g.m. Per Stade f.1930

Erik f.1932

Inger og Pål Austrem hadde 4 barn:

Ottar Ivar f.1940

Håkon Magne f.1943

Liv f.1947

Ivar f.1947

Ottar Iver f.1941 overtok etter faren i 1974. Han vart 1974 gift med Klara Tolstadvøkkjen f.1942 dotter til Ragnvald Tolstadvøkkjen f.1895 og Inga Sveen f.1901. Ottar og Klara har 1 barn:

Pål Ragnar f.1976, neste brukar

Kjelder:

Pål Øystein Kvarberg, 2000: Slekter i Vågå og Lom, slektene på Kleppe og Fellese mm.

Digitalarkivet: panteregister

Norske gardsbruk 1953-1997

Opplandsarkivet Vågå: familieark, avskrifter pantebøker mm.

Engbret Hougen, Norsk slektshistorisk tidsskrift 1951: Av hvaldeætt, Bondearistokrati i G-d.

Klara Austrem

Jon Laberg, 1926: Luster bygd og ætter